



**VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA TRANSPORT I KOMUNIKACIJE**

UDRUŽENJE MEĐUNARODNIH CESTOVNIH PRIJEVOZNIKA TERETA (AIRH)

Branislava Đurđeva 10 - 71000 SARAJEVO Tel: 033-566-178, Fax: 214-292

E-mail: ivan.dzakula@komorabih.ba www.komorabih.ba

- Odbor Udruženja -

Broj: 03-50-951-4/25

Sarajevo, 29.09.2025.godine

PRILOG 114.2.1.

Na osnovu člana 18. Pravilnika o organizaciji i radu Udruženja međunarodnih cestovnih prijevoznika tereta, Odbor Udruženja međunarodnih cestovnih prijevoznika tereta na svojoj 114. sjednici, održanoj dana 23.09.2025.godine, kojoj je prisustvovao i aktivno učestvovao u njenom radu predstavnik Ministarstva komunikacija i transporta Bosne i Hercegovine, razmatrajući Prednacrt pravilnika o izmjenama i dopunama Pravilnika o uvjetima za izdavanje licence i kvalifikacijske kartice vozača, usvojen je sljedeći:

ZAKLJUČAK

I

Odbor Udruženja zahtjeva da se izmjene Pravilnika sačine na sljedeći način:

Član 9.

(Dokazivanje dobrog ugleda)

- (1) Dobar ugled se dokazuje uvjerenjem iz kaznene i prekršajne evidencije.
- (2) ~~Isprave kojima se dokazuje dobar ugled ne smiju biti starije od tri mjeseca od dana izdavanja.~~
- (2) Isprave kojima se dokazuje dobar ugled pribavlja nadležno Ministarstvo po službenoj dužnosti.**

Član 16.

(Nepostojanje obaveza po osnovu direktnih i indirektnih poreza)

~~Nepostojanje dospjelih neizmirenih obaveza po osnovu direktnih i indirektnih poreza dokazuje se potvrdom nadležne porezne uprave i Uprave za indirektno oporezivanje Bosne i Hercegovine ne starijom od 60 dana.~~

Nepostojanje dospjelih neizmirenih obaveza po osnovu direktnih i indirektnih poreza provjerava nadležno Ministarstvo po službenoj dužnosti.

Član 19.

(Postupak i način izdavanja licence)

- (1) Pravno lice ili fizičko lice - obrtnik podnosi Ministarstvu zahtjev za izdavanje licence i izvoda licence na obrascu čiji izgled i sadržaj je dat u prilogima 2. i 3. koji čine sastavni dio ovog Pravilnika.
- (2) Uz zahtjev iz stava (1) ovog člana se prilaže rješenje o upisu djelatnosti cestovnog prijevoza putnika ili tereta u sudski, odnosno obrtni registar te dokazi kojim se dokazuje ispunjavanje uvjeta za dobivanje licence.
- ~~(3) Svi dokumenti se dostavljaju kao originali ili ovjerene kopije.~~
- ~~(4) Ako podnositelj zahtjeva ispunjava propisane uvjete, Ministarstvo donosi rješenje o izdavanju licence te dostavlja podnositelju zahtjeva licencu i potreban broj izvoda licence.~~
- (5) Licenca i izvodi licence se izdaju na obrascima koji su dati u prilogima 4., 5., 6., 7., 8. i 9. koji čine sastavni dio ovog Pravilnika.
- (6) Zaštitna obilježja licence i izvoda licence dati su u Prilogu 10. koji čini sastavni dio ovog Pravilnika.
- (7) U slučaju skupa vozila, izvod licence važi za skup vozila i u slučaju da prikolica ili poluprikolica nije registrirana na ime imatelja licence.
- (8) Licenca se izdaje za period od 10 godina i nije prenosiva.
- (9) Original licence se mora nalaziti u sjedištu prijevoznika.

(10) Prilikom podnošenja zahtjeva za obnovu licence prijevoznik je dužan dokazati da ispunjava uvjete propisane ovim Pravilnikom.

~~(11) Prijevoznik koji prestane obavljati djelatnost prijevoza dužan je o tome obavijestiti Ministarstvo, najkasnije u roku od osam dana od dana prestanka obavljanja djelatnosti.~~

(12) Ministarstvo vodi evidenciju o izdatim licencama.

Ministarstvo donosi rješenje o izdavanju licence, te dostavlja podnosiocu zahtjeva licencu i potreban broj izvoda licence. Nakon provjere iz službene evidencije, Ministarstvo će ustanoviti je li podnositelj zahtjeva ispunio uvjete.

Stav (11) se briše.

Član 25.

(Gubitak, krađa, uništenje ili oštećenje licence i/ili izvoda licence)

~~(1) Prijevoznik je dužan, u roku od osam dana od dana gubitka, krađe ili uništenja licence i/ili izvoda licence, oglasiti iste nevažećim u "Službenom glasniku BiH".~~

~~(2) Uz zahtjev za ponovo izdavanje, prijevoznik je dužan dostaviti dokaz o oglašavanju iz stava (1) ovog člana.~~

(3) U slučaju oštećenja, prijevoznik je dužan licencu i/ili izvod licence dostaviti Ministarstvu, nakon čega mu se ponovo izdaje licenca i/ili izvod licence.

(1) Prijevoznik je u obvezi da u slučaju gubitka, krađe ili oštećenja licence i/ili izvoda iz licence obavijesti Ministarstvo.

Stav (2) se briše.

Član 30.

(Ubrzano stjecanje početne kvalifikacije)

(1) Ubrzanom stjecanju početne kvalifikacije može pristupiti kandidat koji posjeduje: a) vozačku dozvolu kategorije/potkategorije C1, C1E, C ili CE, b) vozačku dozvolu kategorije/potkategorije D1, D1E, D i DE.

(2) Vozač iz stava (1) ovog člana mora imati završenu najmanje trogodišnju srednju školu.

(3) Od obaveze stjecanja početne i ubrzane početne kvalifikacije vozača oslobođen je vozač koji:

a) posjeduje vozačku dozvolu kategorija/potkategorija D1, D1E, D ili DE ili vozačku dozvolu koja se priznaje kao istovjetna, izdatu najkasnije do 9. septembra 2008. godine,

b) posjeduje vozačku dozvolu kategorija/potkategorija C1, C1E, C ili CE ili vozačku dozvolu koja se priznaje kao istovjetna, izdatu najkasnije do 9. septembra 2009. godine,

c) ima srednjoškolsko obrazovanje za vozača, najmanje III stepena.

d) vozač koji ima važeći CODE 95, do isteka istog,

e) inženjer saobraćaja VII stupanj ili 180 ECTS bodova.

Član 34a.

(Centar izvrsnosti)

~~(1) Za Centar izvrsnost može biti odobreno cestovno prijevozničko poduzeće koje ispunjava sljedeće uslove:~~

~~a. Posjeduje važeću licencu prevoznika,~~

~~_____ b. Međunarodni prijevoznik pretežna djelatnost preduzeća,~~

~~_____ c. Koje ima deset i više registrovanih vozila kategorije CE ili deset i više registrovanih vozila kategorije D koja učestvuju u međunarodnom cestovnom prometu.~~

~~(2) Prijevozničko preduzeće za odobrenje statusa Centra izvrsnosti zahtjev podnosi ministarstvu.~~

~~(3) Ministarstvo, uvidom u službene evidencije, donosi odluku o odobravanju Centra.~~

Za Centar izvrsnosti kategorija A može biti odobreno cestovno prijevozničko poduzeće koje ispunjava sljedeće uslove:

- 1. Posjeduje važeću licencu prijevoznika najmanje 10 godina,*
- 2. Ima stalno uposlenog inženjera cestovnog saobraćaja*
- 3. Međunarodni prijevoz je primarna djelatnost poduzeća,*
- 4. Ima dvadeset i više registriranih vozila kategorije CE ili dvadeset i više registriranih vozila kategorije D, koja učestvuju u međunarodnom cestovnom prometu.*

Za Centar izvrsnosti kategorija B može biti odobreno cestovno prijevozničko poduzeće koje ispunjava sljedeće uslove:

- 1. Posjeduje važeću licencu prijevoznika najmanje 5 godina,*
- 2. Ima stalno uposlenog inženjera cestovnog saobraćaja ili certificiranog upravitelja prijevoza*
- 3. Međunarodni prijevoz je primarna djelatnost poduzeća,*
- 4. Ima deset i više registriranih vozila kategorije CE ili deset i više registriranih vozila kategorije D, koja učestvuju u međunarodnom cestovnom prometu.*

Prijevozničko poduzeće za odobrenje statusa Centra izvrsnosti kategorije A zahtjev podnosi Ministarstvu. Ministarstvo, uvidom u službene evidencije, donosi odluku o odobravanju Centra.

Član 36.

(Stjecanje početne kvalifikacije pohađanjem obuke i provjerom znanja)

~~(1) Početna kvalifikacija koja obuhvata pohađanje obuke i provjeru znanja uključuje obuku u ukupnom trajanju od 280 sati iz svih predmeta navedenih u Prilogu 11. ovog Pravilnika.~~

~~(2) Obuka iz stava (1) ovog člana provodi se u učionici i praktičnom obukom, a može se provoditi i online, kao i kombiniranom metodom.~~

~~(3) Početnu kvalifikaciju iz stava (1) ovog člana pohađa vozač koji posjeduje niži stepen obrazovanja od obrazovanja trećeg stepena srednje stručne spreme.~~

~~(4) Vozač može, ukoliko je zaposlen u Centru izvrsnosti, te ispunjava druge propisane uvjete, kroz individualnu vožnju proći praktičnu obuku, dok se dio teoretske obuke provodi online.~~

~~(5) Vozač je dužan posjedovati uvjerenje o završenoj individualnoj vožnji iz stava (4) ovog člana koje je izdao Centar izvrsnosti, kao dokaz o ispunjavanju uvjeta za pristupanje ispitu, odnosno osposobljenosti za tačke D i E prema prilogu 11. ovog pravilnika.~~

~~(6) Izgled uvjerenja iz stava (5) ovog člana dat je u Prilogu 19, koji čini sastavni dio ovog Pravilnika.~~

- 1. Početna kvalifikacija koja obuhvaća pohađanje obuke i provjeru znanja uključuje obuku u ukupnom trajanju od 280 sati iz svih predmeta navedenih u Prilogu 11. ovog Pravilnika,*
- 2. Obuka iz stava (1) ovog člana provodi se u učionici i praktičnom obukom, a može se provoditi i online, kao i kombiniranom metodom,*
- 3. Početnu kvalifikaciju iz stava (1) ovog člana pohađa vozač koji posjeduje niži stupanj obrazovanja od obrazovanja trećeg stupnja srednje stručne spreme,*
- 4. Vozač može, ukoliko je zaposlen u Centru izvrsnosti kategorije B, te ispunjava druge propisane uvjete, kroz individualnu vožnju proći praktičnu obuku, dok se dio teoretske obuke provodi online od strane ovlaštene institucije,*
- 5. Vozač može, ukoliko je zaposlen u Centru izvrsnosti kategorije A, te ispunjava druge propisane uvjete, kroz individualnu vožnju proći praktičnu obuku, a i teoretsku obuku online u Centru izvrsnosti kategorije A,*
- 6. Vozač je dužan posjedovati uvjerenje o završenoj individualnoj vožnji iz stava (4) ovog člana koje je izdao Centar izvrsnosti kategorije B, kao dokaz o ispunjavanju uvjeta za pristupanje ispitu, odnosno osposobljenosti za tačke D i E, prema prilogu 11. ovog Pravilnika,*
- 7. Vozač je dužan posjedovati uvjerenje o završenoj obuci iz stava (5) ovog člana koje je izdao Centar izvrsnosti kategorije A, kao dokaz o ispunjavanju uvjeta za pristupanje ispitu,*
- 8. Izgled uvjerenja iz stava (5) ovog člana dat je u Prilogu 19, koji čini sastavni dio ovog Pravilnika.*

Član 37.

(Ubrzano stjecanje početne kvalifikacije)

- ~~(1) Ubrzana početna kvalifikacije koja obuhvata pohađanje obuke i provjeru znanja uključuje obuku u ukupnom trajanju od 140 sati iz svih predmeta navedenih u Prilogu 11. ovog Pravilnika.~~
- ~~(2) Vozač koji obavlja prijevoz tereta koji svoju djelatnost proširuje ili mijenja kako bi prevezio putnike ili obratno, a koji posjeduje uvjerenje o stručnoj osposobljenosti, polaže samo dijelove koji su posebni za novu kvalifikaciju, a obuka mu traje 70 sati.~~
- ~~(3) Obuka iz st. (1) i (2) ovog člana provodi se u učionici i/ili online, kao i kombiniranom metodom.~~
- ~~(4) Vozač može, ukoliko je zaposlen u Centru izvrsnosti, te ispunjava druge propisane uvjete, kroz individualnu vožnju proći praktičnu obuku, dok se dio teoretske obuke provodi online.~~
- ~~(5) Vozač je dužan posjedovati uvjerenje o završenoj individualnoj vožnji iz stava (4) ovog člana koje je izdao Centar izvrsnosti, kao dokaz o ispunjavanju uvjeta za pristupanje ispitu, odnosno osposobljenosti za tačke D i E prema prilogu 11. ovog pravilnika.~~
- ~~(6) Vozač je dužan posjedovati uvjerenje o provedenoj individualnoj vožnji iz stava (4) ovog člana, čiji je izgled dat u Prilogu 19 Pravilnika, koje je izdao Centar izvrsnosti, kao dokaz o ispunjavanju uvjeta za pristupanje ispitu za stjecanje početnih ubrzanih kvalifikacija.~~
- ~~(7) Uvjerenje koje vozač ima o stručnoj osposobljenosti o početnim kvalifikacijama, odnosno uvjerenje o ubrzanim početnim kvalifikacijama ili uvjerenje o periodičnoj obuci, odnosno KOD 95, stečeno izvan teritorije Bosne i Hercegovine može biti priznato za stjecanje početnih ili periodičnih kvalifikacija u Bosni i Hercegovini u skladu s ovim Pravilnikom na preostali period važenja samo ako je država u kojoj je uvjerenje stečeno ispunila obaveze Povelje kvaliteta ili je država članica Evropske unije.~~

- (1) Ubrzana početna kvalifikacije koja obuhvaća pohađanje obuke i provjeru znanja uključuje obuku u ukupnom trajanju od 140 sati iz svih predmeta navedenih u Prilogu 11. ovog Pravilnika,*
- (2) Vozač koji obavlja prijevoz tereta, koji svoju djelatnost proširuje ili mijenja kako bi prevezio putnike ili obratno, a koji posjeduje uvjerenje o stručnoj osposobljenosti, polaže samo dijelove koji su posebni za novu kvalifikaciju, a trajanje obuke je 70 sati,*
- (3) Obuka iz stava (1) i (2) ovog člana provodi se u učionici i/ili online, kao i kombiniranom metodom,*
- (4) Vozač može, ukoliko je zaposlen u Centru izvrsnosti kategorije B, te ispunjava druge propisane uvjete, kroz individualnu vožnju proći praktičnu obuku, dok se dio teoretske obuke provodi online od strane ovlaštene institucije,*
- (5) Vozač može, ukoliko je zaposlen u Centru izvrsnosti kategorije A, te ispunjava druge propisane uvjete, kroz individualnu vožnju proći praktičnu, a teoretsku obuku online u Centru izvrsnosti kategorije A,*
- (6) Vozač je dužan posjedovati uvjerenje o završenoj individualnoj vožnji iz stava (4) ovog člana koje je izdao Centar izvrsnosti kategorije B, kao dokaz o ispunjavanju uvjeta za pristupanje ispitu, odnosno osposobljenosti za tačke D i E prema prilogu 11. ovog pravilnika,*
- (7) Vozač je dužan posjedovati uvjerenje o završenoj obuci iz stava (5) ovog člana koje je izdao Centar izvrsnosti kategorije A, kao dokaz o ispunjavanju uvjeta za pristupanje ispitu,*
- (8) Uvjerenje koje vozač ima o stručnoj osposobljenosti o početnim kvalifikacijama, odnosno uvjerenje o ubrzanim početnim kvalifikacijama ili uvjerenje o periodičnoj obuci, odnosno KOD 95, stečeno izvan teritorija Bosne i Hercegovine može biti priznato za stjecanje početnih ili periodičnih kvalifikacija u Bosni i Hercegovini u skladu s ovim Pravilnikom na preostali period važenja, samo ako je država u kojoj je uvjerenje stečeno ispunila obaveze Povelje kvaliteta ili je država članica Evropske unije.*

Član 38.

(Najava termina stručnog osposobljavanja)

- ~~(1) Stručna organizacija je dužna za svaki termin osposobljavanja, najmanje osam dana prije njihovog održavanja, evidentirati:~~
- ~~a) planirani početak osposobljavanja,~~
 - ~~b) raspored sati osposobljavanja po danima,~~
 - ~~c) popis predavača po predmetima i danima,~~
 - ~~d) lokaciju izvođenja nastave osposobljavanja,~~
 - ~~e) planirani završetak osposobljavanja.~~
- ~~(2) Ukoliko se osposobljavanje provodi u saradnji sa Centrom izvrsnosti, isto se navodi u evidenciji iz stava (1) ovog člana.~~

Član 40.

(Izdavanje uvjerenja)

~~Stručna organizacija izdaje odgovarajuće uvjerenje kandidatu koji je prošao obuku za stjecanje početne kvalifikacije za vozača propisanu ovim Pravilnikom.~~

Centar izvrsnosti kategorije A i B izdaje potvrdu kandidatu, da je prošao obuku na osnovu koje stručna organizacija izdaje odgovarajuće uvjerenje kandidatu, koji je prošao obuku za stjecanje početne kvalifikacije za vozača propisanu ovim Pravilnikom.

Član 41a.

(Katalog testnih pitanja)

- ~~(1) Ministarstvo, na osnovu prijedloga kataloga testnih pitanja s odgovorima koje dostavlja stručna organizacija, priprema Katalog testnih pitanja za polaganje ispita za stručno osposobljavanje upravitelja prijevoza i vozača iz oblasti propisanih Prilogom 1. i Prilogom 11. ovog Pravilnika.~~
- ~~(2) Prijedlog kataloga testnih pitanja treba da sadrži najmanje 10 pitanja iz svake oblasti, a ukupan broj pitanja ne smije prelaziti 100.~~
- ~~(3) Stručna organizacija dužna je Ministarstvu dostaviti ažurirani prijedlog kataloga testnih pitanja iz stava (1) ovog člana s odgovorima za stručno osposobljavanje upravitelja prijevoza i vozača svake dvije godine.~~
- ~~(4) Točni odgovori vrednuju se jednim bodom.~~

(1) Ministarstvo, na osnovu prijedloga kataloga testnih pitanja priprema Katalog testnih pitanja za polaganje ispita za stručno osposobljavanje upravitelja prijevoza i vozača iz oblasti propisanih Prilogom 1. i Prilogom 11. ovog Pravilnika,

(2) Prijedlog kataloga testnih pitanja treba sadržavati najmanje 10 pitanja iz svake oblasti, a ukupan broj pitanja ne smije prelaziti 100,

(3) Točni odgovori vrednuju se jednim bodom.

Član 42.

(Izdavanje uvjerenja o stečenoj stručnoj osposobljenosti)

- (1) Kandidatu koji je uspješno položio ispit iz člana 41. stav (1) ovog Pravilnika, stručna organizacija izdaje uvjerenje o stručnoj osposobljenosti o početnim kvalifikacijama vozača, odnosno uvjerenje o ubrzanim početnim kvalifikacijama vozača.
- (2) Uvjerenja iz stava (1) ovog člana se izdaju na period važenja od pet godina.
- (3) Uvjerenja se izdaju na obrascima iz priloga 12. i 13. koji čine sastavni dio ovog Pravilnika.
- (4) Zaštitna obilježja uvjerenja iz stava (3) ovog člana data su u Prilogu 18. koji čini sastavni dio ovog Pravilnika.
- (5) U slučaju stjecanja početne kvalifikacije kroz srednjoškolski program obrazovanja za zanimanje vozača motornih vozila, svjedočanstvo ili diploma o završenom srednjoškolskom programu predstavlja uvjerenje o stručnoj osposobljenosti.
- (6) Podaci o izdatim uvjerenjima dostavljaju se Ministarstvu u roku od najviše osam dana od dana izdavanja radi vođenja evidencije o izdatim uvjerenjima.

(7) IDDEA izdaje karticu vozaču u mjestu prebivališta vozača.

Član 43.

(Sadržaj periodične obuke vozača)

- ~~(1) Periodična obuka vozača se sastoji od obuke kojom se vozaču koji ima uvjerenje o stručnoj osposobljenosti o početnim kvalifikacijama, odnosno uvjerenje o ubrzanim početnim kvalifikacijama i vozaču koji je izuzet od obaveze stjecanja početne kvalifikacije osigurava dopuna znanja potrebnih za njihov rad, posebno u pogledu povećanja sigurnosti u cestovnom prometu i racionalizacije potrošnje goriva te smanjenja onečišćenja okoliša.~~
- ~~(2) Periodična obuka vozača provodi se svakih pet godina pohađanjem obaveznog kursa u za to predviđenim prostorijama stručne institucije, iz područja navedenih u Prilogu 11. ovoga Pravilnika, u trajanju od 35 sati, pri čemu je najduže dopušteno trajanje obuke online putem 12 sati.~~
- ~~(3) Izuzetno od odredbi stava (2) ovog člana, periodičnu obuku u trajanju od 20 sati može provesti Centar izvrsnosti, uz online obuku organiziranu od strane stručne institucije u trajanju od 15 sati.~~
- ~~(4) Vozač koji završi periodičnu obuku za jednu od kategorija/potkategorija propisanih članom 26. tačka a) ovog Pravilnika izuzima se od obaveze pohađanja periodične obuke za preostale kategorije/potkategorije navedene u tački a), a vozač koji završi periodičnu obuku za jednu od kategorija/potkategorija propisanih članom 26. tačka b) izuzima se od obaveze pohađanja periodične obuke za preostale kategorije/potkategorije navedene u tački b).~~

- (1) Periodična obuka vozača se sastoji od obuke kojom se vozaču koji ima uvjerenje o stručnoj osposobljenosti o početnim kvalifikacijama, odnosno uvjerenje o ubrzanim početnim kvalifikacijama i vozaču koji je izuzet od obaveze stjecanja početne kvalifikacije osigurava dopuna znanja potrebnih za njihov rad, posebno u pogledu povećanja sigurnosti u cestovnom prometu i racionalizacije potrošnje goriva te smanjenja onečišćenja okoliša.*
- (2) Periodična obuka vozača provodi se svakih pet godina pohađanjem obaveznog kursa u za to predviđenim prostorijama stručne institucije, Centra izvrsnosti ili online iz područja navedenih u Prilogu 11. ovoga Pravilnika, u trajanju od 35 sati,*
- (3) Izuzetno od odredbi stava (2) ovog člana, periodičnu obuku u trajanju od 25 sati može provesti Centar izvrsnosti kategorije B, uz online obuku organiziranu od strane stručne institucije u trajanju od 10 sati,*
- (4) Izuzetno od odredbi stava (2) ovog člana, periodičnu obuku u trajanju od 35 sati može provesti Centar izvrsnosti kategorije A,*
- (5) Vozač koji završi periodičnu obuku za jednu od kategorija/potkategorija propisanih članom 26. točka a) ovog Pravilnika izuzima se od obaveze pohađanja periodične obuke za preostale kategorije/potkategorije navedene u točki a), a vozač koji završi periodičnu obuku za jednu od kategorija/potkategorija propisanih članom 26. točka b) izuzima se od obaveze pohađanja periodične obuke za preostale kategorije/potkategorije navedene u točki b).*

Član 44.

(Najava provođenja periodične obuke)

Stručna organizacija je dužna za svaki termin periodične obuke evidentirati:

- a) planirani početak osposobljavanja,
- b) raspored sati osposobljavanja po danima,
- c) popis predavača po predmetima i danima,
- d) lokaciju izvođenja nastave osposobljavanja,
- e) planirani završetak osposobljavanja.

Član 49.
(Naknade)

- ~~(1) Stručna organizacija utvrđuje iznos naknade po kandidatu za:~~
- ~~(2) Provođenje obuke i ispita za stjecanje početne kvalifikacije,~~
- ~~(3) Provođenje obuke i ispita za stjecanje ubrzane početne kvalifikacije,~~
- ~~(4) Obuku u trajanju od 70 sati ako vozač prelazi sa prijevoza tereta na prijevoz putnika ili obratno,~~
- ~~(5) Provođenje periodične obuke vozača,~~
- ~~(6) Provođenje ispita za stjecanje stručne osposobljenosti upravitelja prijevoza,~~
- ~~(7) Ponovno polaganje ispita,~~

(1) Stručna organizacija utvrđuje iznos naknade po kandidatu za:

- (1) provođenje obuke i ispita za stjecanje početne kvalifikacije,**
- (2) provođenje obuke i ispita za stjecanje ubrzane početne kvalifikacije,**
- (3) obuku u trajanju od 70 sati ako vozač prelazi sa prijevoza tereta na prijevoz putnika ili obratno,**
- (4) provođenje periodične obuke vozača,**
- (5) provođenje ispita za stjecanje stručne osposobljenosti upravitelja prijevoza,**
- (6) ponovno polaganje ispita,**
- (7) izdavanje uvjerenja za kandidata koji je prošao obuku u Centru izvrsnosti kategorije A**
- (8) izdavanje uvjerenja i dio obuke za kandidata koji je prošao obuku u Centru izvrsnosti kategorije B, za početnu edukaciju i provođenja ispita.**
- (9) izdavanje uvjerenja i dio obuke za kandidata koji je prošao obuku u Centru izvrsnosti kategorije B, za ubranu početnu edukaciju.**
- (10) izdavanje uvjerenja i dio obuke za kandidata koji je prošao obuku u Centru izvrsnosti kategorije B, za periodičnu obuku.**

(2) Stručna organizacija je dužna u roku od 15 dana od dana donošenja rješenja iz člana 32. stav (4) ovog Pravilnika dostaviti Ministarstvu cjenovnik kojim su propisane naknade iz stava (1) ovog člana, a koji se objavljuje na službenoj internetskoj stranici Ministarstva.

(3) Stručna organizacija je dužna obavijestiti Ministarstvo o svakoj promjeni cjenovnika iz stava (2) ovog člana, u roku 15 dana od dana promjene.

II

Dio teksta koji je prekršten, potrebno je zamjeniti odredbama koje su unesene u bold/italic formi, kao što su unesene i potpuno nove odredbe po prijedlogu Odbora Udruženja.

III

Zahtjeva se od Sektora za transport i komunikacije da u skladu sa aktima Vanjskotrgovinske komore Bosne i Hercegovine, osigura dostavljanje ovog zaključka organima VTKBIH na odlučivanje, a u cilju njegovog dostavljanja Ministarstvu komunikacija i transporta Bosne i Hercegovine.

Predsjedavajući sjednicom Odbora:

Žarko Brković, predsjednik